

楚辭

五







楚辭

天問

宋黃長睿曰、天問之章、辭嚴義密、最爲難誦、  
柳柳州於千祀後、獨能作天對、以應之、深宏  
傑異、析理精博、而而近世文家、亦難遽曉、故  
分章辨事、以其所對、別附於問、庶幾覽者瑩  
然、知子厚之文、不苟爲艱深也、

宋文鑑第  
九十三卷



林西仲曰、一部楚辭、最難解者、莫如天問一篇、以其重複倒置、且所引用典實、多荒遠無稽、故王逸以為題壁之詞、文義不序次、而朱晦庵集註、闕其疑、闕其謬者、十之二三、使後人執卷茫然、讀未竟而中罷、余嘗惜焉、茲細味其立言之意、以三代之興亡作骨、其所以興在賢臣、所以亡在惑婦、惟其有惑婦、所以賢臣被斥、讒諂益張、全為自己抒胸中不平



之恨耳。篇中點出妹喜姐已褒姒為鄭袖寫  
照。點出雷開為子蘭上官靳尚寫照。點出伊  
尹太公梅伯箕比為自己寫照。未段轉入楚  
事一字一淚。總以天命作線。見得國家興亡  
皆本於天。無論賢臣即惑婦讒諂未必不由  
天降。或陰相而默奪之。或見端於千百年之  
前而收效於千百年之後。天道不可知。不得  
不歷舉而問也。至於引舜象王喬二姚簡狄



女媧昭王穆王幽王齊桓彭鏗吳光子文皆  
逐段中錯綜襯貼、反擊旁敲、原不分其事蹟  
之先後、點染呼應、步步曲盡其妙、看來只是  
一氣到底、序次甚明、未嘗重複、亦未嘗倒置、  
無疑可闕、亦無謬可闢、世豈有題壁之文、能  
妥確不易、若此者乎、其從天地未形之先、詭  
起、以有天地、方有人、方成得世界、自此  
後、茫茫終古、治亂紛紜、皆非人意計所能及、



恐無時問得盡也寄慨遠矣

曰、遂古之初、誰傳道之、上下未形、何由考之、冥昭瞢  
闇、誰能極之、馮翼惟像、何以識之、遂往也、道猶言也、有人則有傳道、時無一物、必無  
說道、有個往古者、上下謂天地也、天地尚未分、必  
無因以推驗也、冥幽也、昭明也、謂晝夜也、曹暗言  
晝夜未分也、極窮也、雖欲窮其理而不能也、馮翼  
氤氲浮動之貌、淮南子曰、天墜未形、馮々翼々、又



曰、未有天地、惟像無形、窈々冥々、莫知其門、  
天對曰、本始之茫、誕者傳焉、鴻靈幽紛、曷可言焉、  
冒黑晰眈、往來屯々、龐昧革化、惟元氣存、而何爲焉、

明明闇闇、惟時何爲、陰陽三合、何本何化、

明闇、即謂晝夜之分也、時是也、穀梁子曰、獨陰不  
生、獨陽不生、獨天不生、三合然後生、  
天對曰、合焉者三、一以統同、吁炎吹冷、交錯而功、



圜則九重、孰營度之、惟茲何功、孰初作之、  
圜與圓同、謂天形之圓也、則法也、九陽數之極、所  
謂九天也、

天對曰、無營以成、杳陽而九、轉輾渾淪、蒙以圜號、  
冥凝玄釐、功歸無有、

幹維焉繫、天極焉加、八柱何當、東南何虧、

林西仲曰、幹、烏活反、幹所以轉、維所以縛、必有縻  
繫之處、方可不脫、南極、北極、兩頭之軸、必有閣置、



之處方可不落當撐持也河圖言地下有八柱互  
相牽制天既受八柱撐持自應平放似東南地面  
不宜獨缺

天對曰鳥獲繫維乃縻身位無極之極莽滿非垠  
或形之加孰取大焉皇熙靈々胡棟胡宇宏離不  
屬焉恃夫八柱

九天之際安放安屬隅隈多有誰知其數  
九天即所謂圓則九重者際邊也放至也屬附也



隅角也

天對曰、無青、無黃、無赤、無黑、無中、無旁、烏際乎天、則巧欺淫誑、幽陽以別、無限、無隅、或惜厥列、

天何所昏、十二焉分、日月安屬、列星安陳、

昏、合也、天與地合會於何所、十二辰誰所分別乎、

陳、列也、言日月衆星安所繫屬、誰陳列也、

天對曰、折筭、剡筵、午施、旁豎、鞠明、究曠、自取十二、

非余之爲焉、以告女、規、璣、魄、淵、大虛是屬、基布萬、



熒咸是焉托

出自湯谷次于蒙汜自明及晦所行幾里

集註曰湯音陽一作暘書云宅嵎夷曰暘谷即湯

谷也次舍也記音似上聲水涯也爾雅云西至日

所入為太蒙即蒙汜也

天對曰輻旋南畫軸奠於北孰彼有出次惟汝方

之側平施旁運惡有谷汜當焉為明不逮為晦度

引久窮不可以里

山海海外東經  
曰黑齒國云々  
下有湯谷湯谷  
上有扶桑



夜光何德、死則又育、厥利維何、而顧菟在腹、

夜光月也、死其晦也、育其生也、言月有何德、乃能  
死而復生、月有何利、而顧望之、菟常居其腹乎、菟  
一作兔同、

天對曰、燬炎莫儼、淵迫而魄、遐違乃專、何以死育、  
玄陰多缺、爰感厥鬼、不形之形、惟神是類、

女岐無合夫焉取九子

女岐神女無夫而生九子



天對曰陽健陰淫降施蒸摩岐靈而子焉以夫為  
伯強何處惠氣安在

伯強大厲疫鬼也所至傷人惠氣和氣也

天對曰怪沴冥更伯強乃陽順和調度惠氣出行  
時屆時縮何有處鄉

何闔而晦何開而明角宿未旦曜靈安臧

闔閉戶也開闢戶也陰闔而晦陽開而明角亢東  
方星旦明也曜靈日也



天對曰、明焉非闢、晦焉非藏、孰旦孰幽、繆躔于經、  
蒼龍之隅、而廷彼角亢、  
林西仲曰、己上從天地既形之後、併生人之始、以  
為問也、

不任汨鴻、師何以尚之、  
汨治鴻大水也、師四岳及群臣之衆也、尚高舉也、  
汨鴻師何以尚之、食曰何憂、何不課而行之、  
鯀不堪任治水、衆竟以應薦、衆既不以方命圯族  
為憂、亦當先試其能而後用之、



天對曰、惟鯀饒、隣聖而孽、恒師龐蒙、乃尚其圯、  
后惟師之難、曠賴使試、

鵠龜曳銜、鯀何聽焉、順欲成功、帝何刑焉、永遏在羽、  
山、夫何三年不施、

林西仲曰、障堤綿亘、若鵠龜之曳尾相銜者、然此  
出於同事者之謀、但鯀誤聽耳、聽人所欲、而求成  
功、非方命圯族之比、而堯獨加罪、但拘囚而久不  
殺、且用其子、疑必有以諒其心矣、



天對曰、盜堙息壤、招帝振怒、賊刑在下、而投棄于  
羽方陟元子、以胤功定地、胡離厥考、而鵲龜肆喙、  
按、柳宗元以鮌為鵲龜所食、故失對、  
伯禹腹鮌、夫何以變化纂就、前緒遂成、考功何續、初  
繼業而厥謀不同、

禹鮌子也、腹懷抱也、詩曰、出入腹我、纂集也、緒絲  
端也、父死稱考、

天對曰、氣孽宜害、而嗣續得聖、汙塗而渠、夫固不



可以類、胝躬躡步、橋楸勸路、厥十有三載、乃蓋厥  
醜、宜儀形九疇、受是玄寶、昏成厥孽、昭生于德、惟  
氏之繼、夫孰謀之式、

洪泉極深、何以竇之、地方九則、何以墳之、

集註曰、泉疑當作淵、唐本避諱而改之也、洪泉即  
洪水、竇與填同、則一作州、九則謂九州之界、如上  
所謂圓則也、墳、土之高者也、

天對曰、行鴻下隕、厥丘乃降、  
□填絕淵、然後夷于



土從民之宜、乃九于野、墳厥貢藝、而有上中下、  
應龍何畫、河海何歷、

林西仲曰、應龍佐禹、畫地泉流、是物無不効命矣、  
河海至遠、皆所躬親、是身無不周遍矣、

天對曰、胡聖為不足、反謀龍智、奮鋪究勤、而欺畫  
厥尾、

鮌何所營、禹何所成、康回憑怒、墜何故以、東南傾、  
王逸曰、言鮌治鴻水、何所營度、禹何所成就乎、康



回共工名也淮南言共工與顓頊爭為帝不得怒  
而觸不周之山天維絕地柱折故東南傾  
天對曰圜燾廓大厥立不值地之東南亦已西北  
彼回小子胡顓頊爾力夫誰駭汝為此而以恩天  
極

九州安錯川谷何洿東流不溢孰知其故

錯置也洿深也水注海曰川注川曰谿注谿曰谷

天對曰州錯富媪爰定于趾躁川靜谷形有高庫

林西仲曰已上

皆問能高之

事居論作定

繼問天之後即

當問地因下文

所舉山川人物

皆人所不經見



者惟禹跡所及  
最廣且鑄而為  
鼎而益復著而  
為經故先補治  
水一段庶所闕  
者可以徵信外  
無稽之言說者  
以為文不次序  
誤矣

東歸窮墟、又環西盈脉、穴土區而濁々清々、墳壚  
滲慘疏、滲滲渴而升、充融有餘、泄漏復行、器運激々、又  
焉何溢為

東西南北、其脩孰多、南北順渠、其衍幾何、  
脩長也、隴狹而長也、衍餘也、

博物志曰、河圖天地南北三億三萬五千五百里、

東北二億三萬三千里、

天對曰、東西南北、其極無方、夫何鵠洞、而課校脩



長、茫忽不準、孰衍孰窮、

崑崙縣圖、其尻安在、增城九重、其高幾里、

尻

古居字

音羔脊骨盡處也

淮南子地形訓曰、禹乃掘崑崙虛、以下地中、有增

城九重、其高萬一千里、百一十四步二尺六寸、強

增重也、又曰、崑崙之丘、或上倍之、是謂涼風之山、

登之而不死、或上倍之、是謂懸圃、登之乃靈、能使

風雨、



天對曰、積高于乾、崑崙攸居、蓬首虎齒、爰處爰都、  
增城之高、萬有三千、

四方之門、其誰從焉、西北辟啓、何氣通焉、

淮南子地形訓曰、崑崙云々、有四百四十門、門

間四里、里間九純、純丈五尺、有九井、玉橫維其

西北之隅、北門開以內不周之風、

天對曰、清溫燠寒、迭出于時、時之丕革、由是而門、

辟啓以通、茲氣之元、



日安不到、燭龍何照、羲和之未揚、若華何光、

山海大荒北經曰、西北海之外、赤水之北、有章尾山、有神、人面蛇身、而赤、直目正乘、其暝乃晦、其視乃明、不食不寢不息、風雨是謁、是燭九陰、是謂燭龍、又海外北經曰、鐘山之神、名曰燭陰、視為晝、瞑為夜、吹為冬、呼為夏、不飲不食不息、息為風、身長千里、在無臂之東、其為物、人面蛇身、赤色、居鐘山下、注、燭龍也、是燭九陰、因名云、



林西仲曰、羲和日御也、若木在建木西、其華照下地、是日未出時、以為光也、一晝常暗、一夜常明、同一大地、何光之不均如是、

天對曰、脩龍口燎爰北、其首九陰極暝、厥朔以炳、惟若之華、稟羲以耀、

何所冬暖、何所夏寒、焉有石林、何獸能言、

淮南子地形訓曰、南方有不死之草、北方有不釋之冰、



拾遺記曰、須彌山第六層有五色玉樹、蔭翳五百里、以石色如玉也、

禮記曰、猩々能言、不離禽獸、

天對曰、狂山嶷々、水于北至、爰有炎洲、司寒不得以試、右胡不林、往視西極、獸言嚶々、人名是達、

焉有龍虬、負熊以遊、

林西仲曰、山海經云、熊山有穴、恒出神人、疑乘龍虬以遊者、神熊也、物固有非其類、而合以爲類者、



天對曰、有虬螭、不角不鱗、嬉夫玄熊、相待以神、  
雄虺九首、儵忽焉在、何所不死、長人何守、  
招魂曰、雄虺九首、往來儵忽、

山海海外北經曰、共工之臣曰相柳氏、九首、以食  
于九山、相柳之所抵厥、為澤谿、禹殺相柳、其血腥  
不可以樹五穀種、禹厥之、三仞三沮、乃以為衆帝  
之臺、在崑崙之北、柔利之東、相柳者、九首人面、蛇  
身而青、不敢北射、畏共工之臺、



又海外南經曰不死民在其

按指交  
脛國

東其為人黑

色壽不死

又大荒東經曰東海之外大荒之中有山名曰大  
言日月所出有波谷山者有大人之國有大人之  
市名曰大人之堂有一大人踰其上張其兩耳  
天對曰南有怪虺羅首以噬儵忽之居帝南北海  
負丘之國身民後死封嵎之守其橫九里  
按柳宗元以儵忽為南北帝不與招魂合失對



靡薺九衢、泉華安居、靈蛇吞象、厥大何如。  
林西仲曰：靡蔓也。枝交錯曰衢。山海經云：浮山有  
草，其華如泉，另是一種。萍無枝，泉無華，此應上焉。  
有石林句，而窮其理。

山海海內南經曰：巴蛇食象，三歲而出其骨。君子  
服之，無心腹之疾。其為蛇，青黃赤。  
天對曰：有萍九岐，厥圖以詭。浮山孰產，赤華伊泉。  
巴蛇腹象，足覩厥大。三歲遺骨，其脩已號。



黑水玄趾、三危安在、延年不死、壽何所止、

山海北山經曰、又秦摭指北五百里曰、錡于毋逢之

山、北望雞號之山、其風如飈、西望幽都之山、浴水出焉、注、浴即黑水、

又大荒東經曰、有招搖山、融水出焉、有國曰玄股、黍食、注、自髀以下如黍、

黑水三危出禹貢、

淮南子云

林西仲曰、三危在樂民西、黑河之藻、可以千歲三



危之露、可以輕舉、又三危金臺石室、食氣不死、言  
此地、在何處、可求延年不死之術乎、恐壽畢竟有  
所止也、此承上何所不死句、而辨其真妄、  
天對曰、黑水淫々、窮于不妄、玄趾則北、三危則南、  
僊者幽々、壽焉孰慕、短長不齊、咸各有止、胡紛華  
漫汗、而潛謂不死、

鯨魚何所、魼堆焉處、羿焉彈日、鳥焉解羽、

山海海內北經曰、姑射國在海中、屬列姑射、陵魚



人面、手足魚身、在海中、

又東山經曰、又東次四經之首曰北號之山、有鳥

焉、其狀如雞而白首、鼠足而虎爪、其名曰魑雀、亦

食人、

按、堆恐雀異體、當作雉、彈射也、

淮南子曰、堯時十日並出、草木焦枯、堯命羿、仰射  
十日、中其九日、日中九鳥皆死、墮其羽翼、故留其  
一日、



天對曰、鰲魚人貌、通列姑射、魁崔峙北號、惟人是  
食、焉有十日、其火百物、羿宜炭赫、厥醴胡庸、以枝  
屈、大澤千里、羣鳥是解、

按柳宗元改鳥作鳥失對、

林西仲曰、已上將地形之廣大、及山川人物之奇  
詭者、以為問也、

禹之力獻功、降省下土方、焉得彼姁山女、而通之于  
台泉、



禹以勤力獻進其功、堯因使省下土、四方當此之  
時、自當不暇他及、焉得彼塗山氏之女、而通夫婦  
之道於台桑之地乎、書曰、娶于塗山、辛壬癸甲、塗  
山在壽春東北濠州也、呂氏春秋曰、禹娶塗山氏  
女、不以私害公、自辛至甲、四日復往治水、塗一作  
涂、音塗、下土方用商頌語、  
按、無天對、

閔妃匹合、厥身是繼、胡為嗜不同味、而快鼃飽、



王逸曰、閔憂也、言禹治水道、娶者憂無繼嗣耳、何  
特與衆人同嗜欲、苟欲飽快一朝之情乎、故以辛  
酉日娶、甲子日去、而有啓也、

天對曰、禹懲于績、姦婦亟合、肢離厥膚、三門以不  
眠、呱々之不盡、而孰圖厥味、卒燥中野、民攸字攸  
暨、

按此對不審、

啓代益作后、卒然離蜚、何啓惟憂、而能拘是達、



集解曰、益禹賢臣也、作為也、后君也、離遭也、蠱憂也、舊說禹以天下禪益、天下皆去益而歸啓、是代益作后也、於是右扈不服、啓遂與之大戰于甘、故曰離蠱、問啓何以能思惟所憂、而能代益伐扈、以達拘執之嫌乎、

天對曰、彼呱克臧、俾姒作夏、獻后益于帝、諄々以不命、復為叟者、曷戚曷蠱、呱勤于德、民以乳活、扈仇厥正、帝授柄以捷、克窮聖庸、夫孰克害、



按、柳宗元上二句為一節、下連無害厥躬、為一節、故失對、

皆歸射籍、而無害厥躬、何后益作華、而禹播降、林西仲曰、凡能取中、皆曰射籍、窮也、作華、創造而除其故也、播降、播殖天所降之嘉種也、若謂啓之所為、皆歸于中理、而窮情無傷害於躬行、不必論其為拘為達、何后益掌火、除山澤舊患、創造於先、使禹得暨稷奏艱食、功莫大焉、不得受禹禪乎、



天對曰、益革民艱、咸粢厥粒、惟禹授以土、爰稼萬  
億、違逆踐垣、休居以康、食姑不失聖、天胡往不迪、  
接此對不審、

啓棘賓商、九辯九歌、何勤子屠母而死、分竟肇  
山海大荒西經曰、西南海之外、赤水之南、流沙之  
西、有人珥兩青蛇、乘兩龍、名曰夏后開、開上三嬪  
于天、得九辯與九歌、以下、此天穆之野、高二千仞、  
開焉得始歌九招、



林西仲曰、棘、急、賓、列、商、度、也、啓、纘、禹、緒、急、於、陳、列、  
商、度、禹、功、以、為、九、辨、九、歌、之、樂、是、克、勤、之、子、矣、故、  
曰、勤、子、淮、南、子、云、禹、治、水、時、自、化、為、熊、以、通、輾、輾、  
之、道、塗、山、女、見、而、慙、遂、化、為、石、時、方、孕、啓、禹、曰、還、  
我、子、於、是、石、破、北、方、而、生、子、其、石、在、蒿、山、是、見、屠、  
之、母、矣、故、曰、屠、母、竟、地、言、遠、之、極、也、屠、母、死、分、竟、  
地、勤、子、豈、無、終、天、之、痛、亦、不、當、憂、乎、  
天、對、曰、啓、違、厥、聲、堪、輿、以、呻、辯、同、客、之、序、帝、以、貨、



嬪禹母產聖何臨厥旅彼淫言亂躅聰賊以不虎  
帝降夷羿革孽夏民胡朕夫河伯而妻彼雒嬪  
林西仲曰太康滅厥德而禽荒羿因民不忍距於  
河是上帝使革除民患也何羿之自為孽尤甚豈  
帝亦不擇於始乎雒嬪水神宓妃也傳曰河伯化  
為白龍遊于水旁羿見射之眈其左目羿又夢與  
雒神交皆其自為孽之實  
天對曰夷羿滔淫割更后相夫孰作厥孽而誣帝



以降震臨厥鱗集矢于皖肆叫帝不譏失位滋慢  
有洛之嫗焉妻于校

馮珧利決封豨是射何獻蒸肉之膏而后帝不若

左傳

昭二十八年

曰昔有仍氏生女黥黑而甚美光可

以鑑名曰玄妻樂正后變取之生伯封實有豕心  
貪恠無厭忿類無期詔之封豕有窮后羿滅之變  
是以不祀

馮狹也珧弓名也決射犇也言羿既射伯封以肉



膏祭天帝而天帝不順羿之所為也

天對曰夸夫快殺鼎鼐以慮飽馨膏腴帝叛德怨

力胡肥

合舌喉聲台古喉而天厥福

泥娶純狐眩妻爰謀何羿之射革而交吞揆之

左傳

成三年

曰昔有夏之方衰也后羿自鉏遷于窮

石因夏民以代夏政恃其射也不修民事而淫于

原獸棄武羅伯因熊髡龙圉而用寒浞寒浞伯明

氏之讒子弟也伯明后寒棄之夷羿收之信而使



之、以為己相、浞行媚于內、而施賂于外、愚弄其民、  
而虞羿于田、樹之詐惡、以取其國家、外內咸服、羿  
猶不悛、將歸自田、家衆殺而亨之、以食其子、其子  
不忍食諸、死于窮門、靡奔有鬲氏、浞因羿室、生澆  
及豷、恃其詭惡、詐偽而不德于民、使澆用師、滅斟  
灌及斟尋氏、處澆于過、處豷于戈、靡自有鬲氏、收  
二國之燼、以滅浞、而立少康、少康滅澆于過、后杼  
滅豷于戈、有窮由是遂亡、失人故也。



娶純狐、言行狐媚于內、眩與玄同、玄妻見上、謂羿  
雖射能貫革、被交吞、不能自脫也、

天對曰、寒譏婦謀、后夷卒戕、荒棄于野、俾姦民是  
臧、幸土作仇、徒怙身孤、

阻窮西征、巖何越焉、化為黃熊、巫何活焉、咸播秬黍、  
莆藿是營、何由并投、而鮫疾脩盈、

林西仲曰、鮫永過東裔、西征之路阻而窮矣、雖欲  
越羽山之巖而往、何可得乎、黃熊之化死為異類、



巫不能招魂再活、使復為人、其生其死、重有可悲者、莆藿水草也、疾惡聲也、水平之後、荒地盡為良田、并投嘉種、魃可藉以蓋愆矣、而惡聲仍長滿如故、其死後又有可悲者、魃開先治水、本無大過、惟以未成功、被殛、故夏代郊魃、以為報、此欲言少康誅澆、祀夏配天、不失舊物、所以插入作引、天對曰、魃殛羽巖、化黃而淵、子宜播種、穡于丘、于川、維莞維蒲、維菰維蘆、丕徹以圖、民以謹以都、堯



陳白沙曰此堂即所  
見先王祠也

酷厥父厥子激以功克頌厥祀後世是郊

白蜺嬰茀胡為此堂安得夫良藥不能固藏天式從  
橫陽離爰死大鳥何鳴夫焉喪厥體

王逸曰蜺雲之有色似龍者也茀白雲逶蛇若蛇  
者也言此有蜺茀氣逶移相嬰何為此堂乎臧善  
也言崔文子學仙於王子喬子喬化為白蜺而嬰  
茀持藥與崔文子崔文子驚恠引戈擊蜺中之因  
阻其藥俯而視之王子喬之尸也故言得藥不善



也、崔文子取王子喬之尸、置之室中、覆之以幣、篋  
須臾則化為大鳥而鳴、開而視之、翻飛而去、文子  
焉能亡子喬之身乎、言仙人不可殺也、

按、此堂指文子堂也、天式縱橫、此蜺茀之法、式縱  
橫天上、被擊而分離、其縈繞乃佯死耳、言有道之  
人、死而不亡、以喻有德之家、斷而不絕也、  
天對曰、王子怪駭、蜺形茀裳、衣褫操戈、猶憎夫藥  
良終、鳥號以游、奮厥篋篋、習漠莫謀、形胡在胡、亡



萍號起雨、何以興之、撰體脅鹿、何以膺之、  
林西仲曰、萍萍翳雨師名、號呼也、天雖遠、似有感  
通之理、撰具膺受也、八足兩頭、合為神鹿、天雖公、  
又似有獨厚之私、脅與協同、

天對曰、幽陽潛變、陰蒸而雨、萍馮以興、厥號爰所、  
氣怪以神、爰有奇軀、脅屬支偶、尸帝之隅、

鰲戴山抃、何以安之、釋舟陵行、何以遷之、

林西仲曰、手拍曰抃、安帖然不墜也、列仙傳云、巨



靈之鰲、背負蓬萊之山而拊舞於最難致力之事、  
似有能致力者、鰲既含水而陸行、無以為置身之  
地、何能移山於頭而戴之、似致力於最難之事、又  
有不待資藉而能自奮者、八句為少康得天眷、獨  
力興夏起引、

天對曰、宅靈之丘、棹惡不危、鰲厥首、而伯以悟夷、  
要釋而陵、殆或謫之、龍伯負骨、帝尚窄之、

惟澆在戶、何求于嫂、何少康逐犬、而顛隕厥首、女岐



縫裳而館同爰止何顛易厥首而親以逢殆  
王逸曰澆古多力者也論語曰澆盪舟言澆無義  
淫佚其嫂往至其戶佯有所求因與行淫亂也夏  
后少康因田獵放犬逐獸遂襲殺澆而斷其頭女  
岐澆嫂也館舍也爰於也言女岐與澆淫佚為之  
縫裳於是共舍而宿止也逢遇也殆危也言少康  
夜襲得女岐頭以為澆因斷之故言易首為遇危  
殆也



按易首者言如袞袞易渡邊亘死之事乎  
天對曰澆膠以力凡虜聚之康假于田肆克字之  
既裳既舍宜咸墜厥首  
湯謀易旅何以厚之覆舟斟尋何道取之  
集註曰湯與上句過澆下句斟尋事不相涉疑本  
康字之誤謂少康也斟尋國名也杜預云斟灌斟  
尋夏同姓諸侯相失國依於二斟為澆所滅其子  
少康為虞庖正有田一成有衆一旅遂滅過澆祀



夏配天不失舊物也。後謂一旅五百人也。覆舟言  
夏后相已傾覆於斟尋之國。今少康以何道而能  
復取澆子。

天對曰：湯奮癸衆，爰以偃拊，載厥德于葛，以詰仇  
餉。康復舊物，尋焉保之。覆舟喻易，尚或艱之。

按：柳宗元以上二句為湯事，故失對。

桀伐蒙山，何所得焉？妹嬉何肆？湯何殛焉？

桀伐蒙山之國，而得妹嬉。妹嬉之肆，其情意何如？

林西仲曰：已上  
五段皆問夏二  
代之事。



而湯之殛之何如

天對曰、惟桀嗜色、我得蒙昧、淫處暴戾、以大啓厥  
伐、

舜閑在家、父何以鯀、堯不姚告、二女何親、厥萌在初、  
何所怠焉、璜臺十城、誰所極焉、登立為帝、孰道尚之、  
女媧有懼、孰制匠之、

林西仲曰、舜于田號泣、瞽瞍不為娶、堯不拘禮、而  
釐降、是舜得二女而興也、事有見端、非人意計所



及者十里爲成、璜臺、即離騷乃望瑤臺、見有城之  
佚女是也、呂氏春秋云、有城築臺、以飲食其女、即  
簡狄也、下文故有簡狄在臺之句、是帝嚳又得簡  
狄、亦不計其至何代而興也、女人爲帝、古所未有、  
必有言其當崇尚者、女媧牛首蛇身、宣髮玄中、其  
形體之異、必有賦之者、是女媧又得女體自興也、  
合三帝而論之、衆豈得一妹喜、遂當亡天下乎、  
天對曰、瞽父仇舜、鯀以不儷、堯專以女、茲俾胤厥



世惟蒸之翼々于瀉之汭紂臺于璜箕克北之惟  
德登帝師以首之媯體虺號占以類之胡曰日化  
七十二獲詭之

舜服厥弟終然為害何肆犬豕而厥身不危敗吳獲  
迄古南嶽是止孰期去斯得兩男子

林西仲曰服猶服習不以為意也象焚廩浚井而  
得免於罪誰為之乎古古公亶父也吳以斷髮文  
身之國得至古公之世遇採藥之人止于南嶽而



不還斯指岐周言泰伯虞仲兩男子去岐周而使  
吳得賢君實出人之意外誰為之乎再合二事而  
觀之敗者有以敗之興者有以興之非人所能敗  
之興之也為下文湯伐夏作引

天對曰舜弟眡厥仇畢屠水火夫固優游而孰殆  
厥禍犬斷于德終不克以噬昆庸致愛邑鼻以富  
賦嗟伯之仁遜旅嶽雅同度厥義以嘉吳國  
緣鵠飾玉后帝是饗何承謀夏桀終以滅喪



林西仲曰、治象謂之鵠、禮記云、君子比德於玉、因  
治象而表其德、以薦馨于帝、此夏代諸王皆克享  
天心也、桀本繼諸王而謀國者、何終致亡國、  
天對曰、空桑鼎殷、誦羹厥鵠、惟輒知言、矧焉以爲  
不仁、易愚危、夫曷揆曷謀、咸逃叢淵、虐后以劉、  
按、柳宗元從舊說、爲伊尹割烹之事、蓋失對、  
帝乃降觀、下逢伊摯、何條致致、罰而黎服、大悅、  
黎服、五服之黎民也、帝詔上帝也、



天對曰降厥觀于下匪勢孰承條伐巢攷民用漬  
厥疣以夷于膚夫曷不謠

簡狄在臺嚳何宜玄鳥致貽女何喜

王逸曰簡狄帝嚳之妃也玄鳥燕也貽遺也言簡

狄侍帝嚳於臺上有飛燕墮遺其卵喜而吞之因

生契者也

天對曰嚳狄禱謀契形于胞胡乙穀之食而怪焉以嘉  
林西仲曰己上問策所以當亡之故

該東季德厥父是臧胡終弊於有扈牧夫牛羊



集註曰、此章未詳、諸說亦異、補曰、言啓兼秉禹之  
末德、而禹善之、授以天下、有扈以堯舜與賢、禹獨  
與子、故伐啓、啓伐滅之、有扈遂為牧豎也、詳此該  
字、恐是啓字、字形相似也、但牧夫牛羊、未有据、而  
其文勢似啓、反為扈所弊、不可考也、

天對曰、該德胤考、辱收于西、凡虎手鉞、尸刑以司  
惡、牧正矜々、澆扈爰路、

千協時舞、何以懷之、平脅曼膚、何以肥之、



國朝文庫  
禹之來有苗、千羽以舞、民樂其生、膏膚肥澤、何以  
若此、平脅曼膚、肥澤之貌、

天對曰、階千以娛、苗華而格、不迫以死、夫胡狙厥  
賊、辛后騃狂、無憂以肥、肆蕩施厥體、而克膏于肌、  
膏寶被躬、焚以旗之、

按、柳宗元為二節、故失對、

有扈牧豎、云何而逢、擊牀先出、其命何從、

王逸曰、言有扈氏本牧豎之人耳、因何逢遇、而得



為諸侯子、啓攻有扈之時、親於其牀上、擊而殺之、其先人失國之原、何所從出之乎、

天對曰、扈釋于牧、力使后之民仇焉、禹啓牀以斲、恒秉季德、焉得夫朴牛、何往營班祿、不但還來、

林西仲曰、及有扈既滅之後、而啓少年所秉之德、始終不改、方得素朴之犧、以祀往謀受天之班祿、不但尋常郊祭而還朝已也、蓋定命之難如此、十六句、根上黎服大說、白以非常之舉、黎民所懼、啓



以變禪爲繼，猶有不服之國，疲於戰攻，况湯變揖讓爲征誅，尤甚於啓，乃得黎服大誼，真不可解。天對曰：殷武踵德，爰獲牛之朴。夫惟陋民是冒，而丕號以之辛，營而班，民心是市。

昏微遵迹，有狄不寧。何繁鳥萃棘，負子肆情。

王逸曰：昏闇也。循遵也。迹，道也。言人有循闇微之道，為姦佚夷狄之行，不可以安其身也。謂晉大夫解居父也。解居父，聘于吳，過陳之墓門，見婦人負



其子欲與之姪。洙肆其情欲。婦人則引詩刺之曰。  
墓門有棘。有鴟萃止。故曰繁鳥萃棘也。墓門有棘。  
雖無人。棘上猶有鴟。汝獨不愧也。

詩經世本古義

墓門

曰。按繁鳥當作驚鳥。鴟亦非。

臯張揖廣雅以為驚鳥。但未詳其狀云何。荊州記  
云。巫縣有鳥如雌雞。其名為鴟。廣志云。鴟楚鳩所  
生。如蛭。巨虛種類不滋乳也。玩逸此注。則陳國  
舊有此詩。而辨女引而歌之耳。固非其所自作也。



天對曰、解父狄淫、遭懲以報、彼中之不目、而徒以色視、

眩弟竝淫、危害厥兄、何變化以作詐、而後嗣逢長、

王逸曰、眩惑也、厥其也、言象為舜弟、眩惑其父母、竝為淫佚之惡、欲共危害舜也、象欲殺舜、變化其態、內作姦詐、使舜治廩、從下焚之、令舜浚井、從上寘之、終不能害舜、舜為天子、封象於有鼻、而後嗣之子孫長為諸侯、



按八句言淫佚肆情、不特夏桀、天何致條放之罰、於夏桀乎、

天對曰、象不兄龔、而奮以謀、益聖孰凶、怒嗣用紹、厥愛、

成湯東巡、有莘爰極、何乞彼小臣、而吉妃是得、

有莘國名、極至也、小臣謂伊尹也、言湯東巡至於有莘、乞伊尹、因得吉妃、以為內輔也、

天對曰、莘有玉女、湯巡爰獲、既內克厥、合而外弼、



於德伊知非如伊之知臣曷以不識

水濱之木得彼小子夫何惡之媵有莘之婦

王逸曰小子謂伊尹媵送也言伊尹母妊身夢神

女告之曰曰竈生鼃巫去無反居無幾何曰竈中

有生鼃母去東走顧視其邑盡為大水母因溺死

化為空桑之林水乾之後有小兒啼水涯人取養

之既長大有殊才有莘惡伊尹從木中出因以送

女也



天對曰、胡木化于母、以蝎厥聖、喙鳴不良、謾以詭  
正、盡邑以熱、孰譯彼夢、

湯出重泉、夫何臯尤、不勝心伐帝、夫誰使挑之、

林西仲曰、太公金匱、桀怒湯、以諛臣趙梁計、召而  
囚之均臺、置之重泉、湯乃行賂、桀釋之、是湯以無  
罪被囚也、不勝心伐帝、言伐桀、非湯本心、有挑之  
者矣、指伊尹、詭根上帝、乃降觀、下逢伊摯、二句、言  
湯之興止在得賢也、



天對曰、湯行不類、重泉是因、違虐立辟、實罪德之  
由、師憑怒以割、癸挑而讐、

按、柳宗元從舊解、故失對、已上問湯所以興之故、

會鼂爭盟、何踐吾期、蒼鳥群飛、孰使萃之、

王逸曰、言武王將伐紂、紂使膠鬲視武王師、膠鬲  
問曰、欲以何日至殷、武王曰、以甲子日、鬲還報  
紂、會天大雨、道難、武王晝夜行、或諫曰、雨甚、軍士  
苦之、請且休息、武王曰、吾許膠鬲、以甲子日至殷、



今報紂矣。以甲子日不到，紂必殺之。吾故不敢休  
息，欲救賢者之死也。遂以甲子日朝誅紂，不失期  
也。蒼鳥鷹也。萃集也。言武王伐紂，將師勇猛如鷹  
鳥群飛，誰使武王集聚之者乎？詩云：惟師尚父，時  
惟鷹揚也。

天對曰：膠鬲比聚，雨行踐期。捧盞救灼，仁興以畢。  
隨鷹之咸同，得使萃之。

列擊紂躬，叔且不嘉。何親揆發，定固之命。以啓嗟。



叔旦武王弟周公也嘉善也揆度也猶言帝度其  
心發武王名史記言武王至紂死所射之三發以  
黃鉞斬其頭懸之太白之旗此所謂列擊紂射也  
蔣之翘曰原有不滿武王之意亦自附夷齊之義  
也

天對曰頸紂黃鉞旦孰喜之民父有釐嗟以美之  
授殷天下其危安施反成乃亡其罪伊何  
林西仲曰前此觀政于商而不卽伐是周授殷以



天下也。但問據其位者，將安用乎？乃紂無懷心，反人成就之力，而致亡。罪將何在？

天對曰：位庸庇民，仁克蒞之。紂淫以害，師殛祀之。按此亦從舊解，故失對。

爭遣伐器，何以行之？並驅擊翼，何以將之？

集解曰：爭遣伐器，謂泰誓言羣后以師畢會也。並驅擊翼，謂六韜曰：翼其兩旁，疾擊其後。言武王之軍人，樂戰並驅而進之也。問此二者，何以使其



然耶、

天對曰、咸造厥死、爭徂器之、翼鼓顛禦、薩舞靡之、  
昭后成遊、南土爰底、厥利維何、而逢彼白雉、

王逸曰、爰於也、底至也、言昭王背成王之制、而出  
遊、南至於楚、楚人沈之、而遂不還也、厥其也、逢迎  
也、言昭王南遊、何以利於楚乎、此為越裳氏獻白  
雉、昭王德不能致、欲親往逢迎之乎、  
天對曰、水濱翫昭、刑罔弑之、繆近越裳、疇肯雉之、



穆王巧梅夫何周流環理天下夫何索求

梅貪也環旋也

天對曰穆王所招猖獗以游輪行九野惟怪之謀  
胡紿與載勝之獸觴瑤池以迭謠

妖夫曳銜何號于市周幽誰誅焉得夫褒姒

王逸曰妖怪也號呼也昔周幽王前世有童謠曰  
檠弧箕服寔亡周國後有夫婦賣是器以為妖怪  
執而曳戮之於市也褒姒周幽王后也昔夏后氏



之哀也。有二神龍止於夏庭而言曰：余褒之二君也。夏后布幣釋而告之。龍亡而褒在，櫝而藏之。夏亡，傳殷。殷亡，傳周。北三代莫敢發也。至厲王之末，發而觀之，漦流于庭，化為玄黿，入王後宮。後宮處妾遇之而孕，無夫而生子。懼而棄之。時被戮夫婦夜亡，道聞後宮處妾所棄女啼聲，哀而收之，遂奔褒。褒人後有罪，幽王欲誅之，褒人乃入此女以贖罪，是為褒姒，用以為后，惑而愛之，遂為犬戎所殺。



也

天對曰、儒賊厥誅、爰櫟其孤、幽禍孽以奇憚、褒以  
漁淫、嗜農殺諫尸謗屠、孰鱗聚以徵、而化蠱是辜、  
天命反側、何罰何佑、齊桓九合、卒然身殺、

林西仲曰、死不得葬、與被殺無異、故曰身殺、以齊  
桓一人之身、而天命罰佑之不同如此、而况周之  
後世、有昭后穆幽乎、總收上文、言外有用管仲則  
興、周豎刁輩則亡之意、為下文殷棄三仁、周用太



公起引

天對曰天邈以衆人某以離胡克合厥道而詰彼  
尤違桓號其大任屬以傲幸良以九合逮孽而懷  
彼王紂之躬孰使亂惑何惡輔弼譏諂是服  
車之右驂曰服言置之左右也

天對曰紂無誰使惑惟志為首逆圖倒視輔譏以  
僂寵

比干何逆而抑沈之雷開何順而賜封之



比干紂諸父也、諫紂、紂怒、乃殺之、剖其心也、雷開  
佞臣也、阿順於紂、乃賜之金玉而封之也、  
天對曰、干異召死、雷濟克后、  
按、柳宗元連下四句為一節、

何聖人之一德、卒其異方、梅伯受醢、箕子詳狂、  
方術也、梅伯紂諸侯也、忠直而數諫紂、紂怒、乃殺  
之、殖醢其身、箕子見之、欲去、不忍、遂被髮詳狂而  
為奴、二人德同而術異也、



天對曰、文德邁以被、丙韜順道、醢梅奴箕、忠咸喪  
以醜厚、

按、柳宗元以聖人為文王之事、失對、

稷惟元子、帝何竺之、投之於冰上、鳥何燠之、

集註曰、稷事見詩大雅及史記、曰后稷名棄、其母  
有邰氏女、曰姜嫄、為帝嚳元妃、出野見巨人跡、踐  
而踐之、遂身動如孕者、居期而生子、姜嫄以無父  
而生棄之於冰上、有鳥以翼覆溫之、以為神、乃取



而養之詩曰先生如達是首生之子也故曰元子  
林西仲曰以紂之罪皆興周之資也况周自唐虞  
迄殷世有其德乎姜嫄履武天所以篤厚元子冰  
上鳥翼與玄鳥之詒何異

天對曰棄靈而功篤何夾焉翼冰以炎蓋從長焉  
何馮弓挾矢殊能將之既驚帝切激何逢長之

林西仲曰竹史云殷王嘉季歷之功錫之彤弓旅  
矢九命為伯是季歷以殊才奉賜也震主者不無



逼近相激之危而又有久長不替之遇其中必有相之者

天對曰既岐既嶷宜庸將焉紂凶以啓武紹尚焉按柳宗元從舊解故失對

伯昌號哀秉鞭作牧何令徹彼岐社命有殷國

伯昌詔周文王文王號召殷哀之叛國以事紂司牧伯之權徹通也岐社大王所立岐周之社也武王既有殷國遂通岐周之社於天下以為大社猶



漢初令民立漢社稷也

天對曰伯鯀于西化江漢潁易岐社以大國之命  
以祚武

遷藏就岐何能依殷有惑婦何所譏受賜茲醢西伯  
上告何親就上帝罰殷之命以不救

言大王始與百姓徙其寶藏來就岐下何能使其  
民依倚而隨之手惑婦謂妲己也問有何事可譏  
乎紂醢梅伯以賜諸侯文王受之以祭告諸於上



帝上帝親致紂之罰罪故殷之命不可復救也

天對曰踰梁橐囊羶仁蟻萃如滅涇商痛民以亟  
去肉梅以頌烏不台訃孰盈癸惡兵解殄祀

師望在肆昌何識鼓刀揚聲后何喜

師望謂太公也言太公在市肆而屠文王何以識

之子后謂文王也言呂望鼓刀在列肆文王親往

王逸曰

問之呂望對曰下屠屠牛上屠屠國文王喜載與

俱歸也



天對曰、牙伏牛、漁積內、以外、萌岐、目厥心、瞭眊顯  
光、奮力屠國、以解體厥商、武發殺殷、何所愜、載尸集戰、何所急、  
王逸曰、言武王發欲誅殷紂、何所憎愜、而不欲久  
忍也、尸主也、集會也、言武伐紂、載文王木主、稱大  
子發、急欲奉行天誅、為民除害也、  
天對曰、發殺昌、逞寒民于京、惟栗厥文考、而虔子  
以徂征、



伯林雉經維其何故何感天抑墜夫誰畏懼

林西仲曰伯林疑地名申生為驪姬譖而自縊當  
得何罪豈死後猶能請帝罰夷吾其精神可以動  
天塞地畏懼何人而輕死耶豈驪姬譖行不能自  
保猶紂之有妲己梅伯箕比萬難自全此固以呂  
望操必勝之勢非有所愜亦非有所急于  
天對曰中潛不列恭君以雉胡嬖訟饒賊而以變  
天地



已上皆問周取殷之事

皇天集命、惟何戒之、受禮天下、又使至代之

集註曰、言皇天集祿命、以與王者、何不常有以戒之、而使至於危亡乎、王者既受天之禮命、而王天下、天又何為使它姓代之乎、其警戒之意、至深切矣

天對曰、天集厥命、惟德受之、亂忘以棄、天又祐之、初、湯臣摯、後茲承輔、何卒官湯、尊食宗緒



言湯初臣伊尹後知其賢乃以備輔翼也官官家  
之官言終使湯為天子尊其先祖以王者禮樂祭  
祀緒業流於子孫也

天對曰湯摯之合祚以久食味始以昭末克庸成  
績

勲闔夢生少離散亡何壯武厲能流厥嚴

勲功也闔吳王闔廬也夢闔廬祖父壽夢壽夢卒  
太子諸樊立諸樊卒傳弟餘祭餘祭卒傳弟夷末



夷未卒、太子王僚立、闔廬諸樊之長子也、少離散、  
亡放、在外、乃使專諸刺王僚、代為吳王、壯大也、能  
壯大、厲其勇武、流其威嚴也、

天對曰、光徵夢祖、憾離以厲、彷徨激覆、而勇益德、  
邁、

彭鏗斟雉、帝何饗、受壽永多、夫何長、

彭鏗即彭咸、鏗咸一音之轉、謂巫咸也、按尚書在  
大戊時、有若巫咸、高宗彤日、有雉雉、蓋彭鏗為羹、



斟而饗之上帝也。從大戊至高宗二百餘歲受壽  
何其永多久長。屈子自傷居江南卑濕之地而壽  
不能長也。

天對曰。鏗羹于帝。聖孰嗜味。夫死自暮。而誰饗以  
俾壽。

按柳宗元從舊說故失對。

中央共牧。后何怒。逢蟊賊微命。力何固。

林西仲曰。中土列國共治其民。為君者何故相怒。

按斟猶宰也。左傳宣二年華元殺羊食士其御羊斟不與。史記作羊羹。不及蓋華元御叔斟。獨尸斟羊羹。故稱羊斟猶鄭賈人。弦高稱為隨年也。淮南錄稱斟羊羹不斟。而宋國危。



而爭、蠱蛾之命最微、猶有自固其窠與穴之力、物不能侵、此痛楚與秦屢戰而多失地、

天對曰、魄齧已毒、不以外肆、細腰群螫、夫何足病、驚女采薇、鹿何祐、北至回水、萃何喜、

王逸曰、祐、福也、言昔者有女子采薇、有所驚而走、因獲得鹿、其家遂昌熾、蒙天祐之也、萃、止也、言女子驚而北走、至於回水之上、止而得鹿、遂有福喜也、



天對曰、葦回偶昌鹿、昌祐以女、

兄有噬犬、弟何欲、易之以百兩、卒無祿、

王逸曰、兄謂秦伯也、噬犬齧犬也、弟秦伯弟鍼也、  
言秦伯有齧犬、弟鍼欲請之、秦伯不肯與、弟鍼犬、  
鍼以百兩金易之、而又不聽、因逐鍼、而奪其爵祿  
也、

天對曰、鍼欲兄愛、以快侈富、愈多厥卑、卒逐以旅、  
薄暮雷電、歸何憂、厥嚴不奉、帝何求、



孫鑛曰、補注、薄暮喻將老、雷電喻君怒、似得文情、  
又曰、以上總是說天地間多不可解之事、似俱是  
興起語、此下乃是正意、言君欲徵福、但當自奉其  
威嚴、厥嚴不奉而作師長、先吳光可鑒也、爰出子  
文、亦只是天道不測之意、

天對曰、咨吟於野、胡若之狼、嚴墜誼殄、丁厥任、  
按、柳宗元連下為一節、對意亦不審、

伏匿穴處、爰何云、荆黥狗師、夫何長、悟過改更、我又



何言

言吾將退於江濱、伏匿穴處耳、當復何言乎、但欲  
立功於國、而用兵者皆上官、靳尚輩、有何長技、庶  
幾君之一悟、俗之一改、我亦可以相忘於無言、

天對曰、合行違匿、固若所呼、噉尔毒意、誰與醜齊、  
徂秦、啗厥詐譏、登彼庸、喘以施甘恬、禍凶亟、鋤夷  
復不可化、徒若罷、

吳光爭國、久余是勝、何環穿自閭、社丘陵、爰出子文、



闔廬爭國得立之後勝楚已久以傷楚之外患不  
少也環周繞也穿猶俗謂穿鑿也言何周繞穿鑿  
閭社丘陵之地出如令尹子文者而使張國威乎  
屈子為三閭大夫則閭社丘陵其采地耶  
天對曰闔綽厥武滋以修顏於鬼不可以作忘焉  
庸歸

吾告堵敖以不長何試上自予忠名彌彰  
王逸曰堵敖楚賢人也屈原放時告語堵敖曰楚



國將衰、不復能久長也。我何敢嘗試君上、自予忠  
吾直之名、以顯彰後世子、誠以同姓之故、中心懇側、  
義不能已也。

天對曰、歟、吾教之闕、以茲尸誠、若名不尚、曷極而  
辭。

已上皆問楚國之政、及當國之人、結上皇天集命  
所當戒之意。







